



101





Loan from Countway Lib.

OCT 31 1999

赤水玄珠第五卷目錄

水腫門

水脹通論

論水氣証治大法

脉經叙諸水形証

羅太無治許魯齊藥案

仲景治水大法

脹滿門一名鼓脹

鼓脹說

虫蠱

痞氣門



赤水玄珠第五卷

水脹通論

新安生生子孫一奎集



靈樞經曰水穀入于口輸于腸胃其液別為五天  
 寒衣薄則為溺與氣天熱衣厚則為汗悲氣氣  
 并則為泣中焦胃緩則為唾邪氣內逆則氣為  
 之閉塞而不行不行則為水脹余知其然也不  
 知其何由生願聞其道岐伯曰五穀之津液和  
 合而為膏者內滲入於骨空補益腦髓而下流

於陰股陰陽不和則使液溢而下流于陰髓液  
皆減而下下過度則虛下過度謂房勞過度也故腰背痛  
而脛痠陰陽氣道不通四海塞閉三焦不瀉津  
液不化水穀并行腸胃之中別于迴腸留于下  
焦不得滲膀胱則下焦脹水溢則為水脹  
黃帝問于岐伯曰水與膚脹鼓脹腸覃石瘕何以  
別之岐伯荅曰水始起也目窠上微腫如新卧  
起之狀其頸脉動時欬陰股間寒足頸腫腹乃  
大其水已成矣以手按其腹隨手而起如裹水

之狀此其候也帝曰膚脹何以候之岐伯曰膚  
脹者寒氣客于皮膚之間壅、然不堅腹大身  
盡腫皮厚按其股宵然而不起腹色不變此其  
候也鼓脹何如岐伯曰腹脹身皆大大與腹脹  
等也色蒼黃腹筋起此其候也腸覃何如岐伯  
曰寒氣客于腸外與衛氣相搏氣不得滲因有  
所擊癖而內著惡氣乃起瘕肉乃生其始生也  
一  
大如鷄卵稍以益大至其成如懷子之狀父者  
離歲按之則堅推之則移月事以時下此其候

也石瘕何如岐伯曰石瘕生于胞中寒氣客于子門子門閉塞不得通惡血當瀉不瀉衄以留止日以益大狀如懷子月事不以時下皆生于女子可導而下帝曰膚脹鼓脹可刺耶岐伯曰先刺其脹之血絡後調其經刺去其血絡也石水臍以下腫其脉沉

本事方云臍腹四肢悉腫者為水但腹脹四肢不甚腫為蠱蠱即鼓脹也

目云水脹皆本于房勞過度

水腫出素問水熱穴論

黃帝問曰少陰何以主腎腎何以主水岐伯對曰腎者至陰也至陰者盛水也肺者太陰也少陰者冬脉也故其本在腎其末在肺皆積水也帝曰腎何以能聚水而生病岐伯曰腎者胃之關也關門不利故聚水而從其類也上下溢于皮膚故為跗腫跗腫者聚水而生病也帝曰諸水皆生于腎乎岐伯曰腎者牝臟也地氣上者屬于腎而生水液也故曰至陰勇而勞甚腎汗出

腎汗出逢于風內不得入于臟腑外不得越于皮膚客于玄府行於皮裏傳為附腫本之于腎名曰風水所謂玄府汗孔也帝曰水俞五十七處者是何主也岐伯曰腎俞五十七穴積陰之所聚也水所從出入也尻上五行行五者此腎俞故水病下為胛腫大腹上為喘呼不得卧者標本俱病故肺為喘呼腎為水腫肺為逆不得卧分為相輸俱受者水氣之所留也肺腎上下緣此二臟乃水氣之所留故也伏菟上各二行

行五者此腎之街也三陰之所交結于脚也踝上各一行行六者此腎脉之下行也名曰太衝凡五十七穴者皆臟之陰絡水之所容也

尻上五行行五

脊中一

懸樞一

命門一

腰俞一

長強一

大腸俞一

小腸俞

膀胱俞二

中膂內俞

白環俞二

胃倉二

盲門二

志室二

胞盲二

秩邊二

伏菟上各二行行五



中注二 四滿二 氣穴二 大赫二 骨橫二  
 外陵二 大巨二 水道二 歸來二 衝二  
 踝上各一行行六

太衝二 復溜二 陰穀二 照海二

交信二 築賓二

甲乙經云身腫關門主之 水腫脹皮腫三里注

風水膝腫巨虛上廉注 風水面附腫顏黑 解溪主之

風水面附腫衡陽主之 水中留飲胸脇支滿刺

陷谷出血立已 面附腫上星主之 先取諱後取天牖風池

水腫人中盡滿唇反者死 水溝主之 水腫大

臍平灸臍中無理不治

內經曰三陰結謂之水 王註云謂脾肺之脉俱寒

結也 又曰下焦溢而為水 王註曰下焦為分

注之所氣窒不瀉則溢而為水

黃帝問曰有病腎風者面附龐然壅塞害于言可刺

否岐伯曰虛不當刺不當刺而刺後五日其氣

必至帝曰其至何如岐伯曰至必少氣時熱時

熱從胸背上至頭汗出手熱口乾苦渴小便黃

目下腫難以行月事不來煩而不能食不能正  
 偃正偃則咳病名曰風水論在刺法中帝曰願  
 聞其說岐伯曰邪之所湊其氣必虛陰虛者陽  
 必湊之故水氣時熱而汗出也小便黃者少腹  
 中有熱也不能正偃者胃中不和也正偃則欬  
 甚上迫肺也諸有水氣者微腫先見于目下也  
 曰何以言之岐伯曰水者陰也目者亦陰也腹  
 者至陰之所居故水在腹者必使目下腫也真  
 氣上逆故口苦舌乾卧不得正偃正偃則咳出

清水也諸水病者不得卧臥則驚則咳甚也  
 腹中鳴者病本于胃也薄脾則煩不能食不  
 能下者胃脘膈也身重難以行者胃脉在足也  
 月事不來者胞脉閉也胞脉者属心而絡于胞  
 中今氣上迫肺心氣不得下通故月事不來也  
 針經曰肢脛者人之管以趨翔也莖垂者身中之  
 機陰精之候津液之道也故飲食不節喜怒不  
 時津液内溢乃下流于臍血道不通口大不休  
 俛仰不便趨不能此榮然有水上下不下也

劉宗厚曰按內經諸水氣皆諸臟本病也針經所引則又主飲食及七情等因皆致之可見病机之微矣但有濕腫氣腫初亦頗相似然以手按之成凹不即起者濕也濕與水有微甚之意况有氣腫及諸水形証不同要在臨症詳審也水腫有陽水陰水之分若脉來沉伏面色青白不煩渴小便澀而清大便溏泄為陰水治宜實脾脉來沉數面色赤黃或煩渴小便赤而難大便秘治宜疎氣蕩滌

論水氣証治大法

內經曰不從毫毛病生于內者陰氣內盛陽氣竭絕不得入于腹中故言五臟陽以竭也津液者水也充郭皮中陰蓄于內水氣脹滿上攻于肺肺氣孤危魄者肺神腎為水害子不救母故云其魄獨居也夫陰精損削于內陽氣耗減于外則三焦閉溢水道不通水滿皮膚身體否腫故云形不可與衣相保也凡此之類皆四肢脉數急而內鼓動于肺中也肺動者謂氣急而欬也

如是者皆水氣格拒于腹膜之內浮腫施張于  
 身形之外欲窮標本其可得乎平治權衡謂察  
 脉浮沉也脉浮為在表脉沉為在裡在裏者泄  
 之在表者汗之故云開鬼門潔淨府也去宛陳  
 莖謂去積久之水物猶如草莖之不可留也身  
 劉宗厚曰按經論水氣証治至為机密故云開鬼  
 門潔淨府然鬼門者猶幽玄之謂有三故而不  
 見其開闔邪氣感入邪與正相搏毛髮以閉  
 寒熱作為病容于表故宜發汗遣邪氣以開鬼

門也此亦發汗之別稱泄諸病在表之通例也  
 淨府者謂膀胱內無入孔而外有出竅為清淨  
 津液之府憑腎氣藏氣化水穀之精而滲入脬  
 中氣約成溺出也夫腎主下焦司闔開竅二  
 陰肺脾之氣通調水道下輸膀胱氣化水行而  
 自清淨否則便澁或濁或淋為水氣溢于腠理  
 為膚腫諸病若宛屈陳莖壅滯于身中當泄去  
 是物而潔淨宜此二法在表者汗之在裏者泄  
 之權衡于治也雖然經云水病本之于肺腎二

經而古今方論並不以治水獨瀉腎氣為說者  
何蓋腎陰奉行降令為生化之源而常不足至  
陰精損削于內生氣不能運化至為肘腫其氣  
索矣况肺弱而母氣孤危者乎故東垣曰若治  
以甘淡滲泄陽藥獨陽無陰其欲化得乎此探  
擷已上治例之妙也如積飲留飲傷脾若土之  
于雨中則為坭矣或因七情所致手足太陰俱  
病身浮腫似水氣用燥脾導氣之劑即愈一則  
若坭土之得和風暖日水濕去而陽化自然萬  
物生長一則肺氣開泄滲道通利水氣不濡于  
脾矣此正諸濕腫滿皆屬脾土諸氣臃鬱皆屬  
于肺而與陰陽為病水氣机之不同故亦不待  
開鬼門潔淨府而已也

原病式謂水腫為濕熱實甚故治以辛苦寒藥蓋  
以辛散結而苦燥濕以寒除熱而隨其利濕去  
結散熱退氣和而愈而謂脾虛不能制水非說  
丹溪以水腫由脾虛不能制水故水漬妄行當以  
參朮補脾使脾健則自能轉運而水自行但宜

補中行濕利小便為上

劉宗厚曰按劉河間以水腫為濕熱謂在表有熱  
宜汗謂在裡有熱宜下治法宜開鬼門潔淨府  
蓋言有餘之証然也丹溪以脾虛不能制水治  
當補中行濕利小便蓋言不足之証然也若夫  
滋腎制火之說惡切以為未當蓋補腎之藥乃  
陰滯柔潤適以滋濕耳豈理也哉今治此証但  
脾虛受濕為不足所致者宜燥脾土兼利小便  
若非氣鬱飲食濕熱所致者禁不得妄下証雖

可下又當權其輕重不可過用羌花大戟甘遂  
猛峻之劑暫時快利水氣復來而無以治之也  
少壯充實脈洪大有力者當導去其水年老虛  
人得此惟當補中行濕為先設或元氣下陷者  
即又當升提之

古方十種証候以短氣不得卧為心水兩脇疼痛  
為肝水大便鴨澹為肺水四肢苦重為脾水腰  
痛足冷為腎水口苦咽乾為膽水乍虛乍實為  
大腸水腹急肢瘦為膀胱水小便秘澀為胃水

小腹急滿為小腸水以此十水為正水外有風水皮水石水黃汗風水又有風腫氣腫血腫風腫者皮粗麻木不仁走注疼痛氣腫者皮厚四肢瘦削腹脇脹膨至若煩躁激水迷忘驚狂嘔逆煩悶皮間有紅縷赤痕者此血腫也媼人經脈壅閉敗血停腐尤多見此妊娘亦有氣遏水道而虛腫者此但順氣安脾飲食無阻既產而腫自消若產後發虛則虛退而告殂矣

大抵浮腫之脈帶數下是虛寒潛止其間久必沉

伏沉伏則陽虛陰實為水必矣 面龐然浮腫

疼痛其色始黑多汗惡風者屬腎風

治觀風

諸唇黑則傷脾缺盆平則傷心臍出則傷肝足心平則傷腎背平則傷肺凡此五傷必不可治

大凡水腫先起于腹而後散于四肢者生先起于

四肢而後入腹者死至若鼓脹而肚上青筋脹滿而大便滑泄久瘥而轉作虛浮又兼見前五傷則死矣與夫男從脚上腫而上女從上腫而下或肉硬或掌心平而無紋皆不治

論生死脉法

水病脉洪大者可治微細者不可治水病脹閉其脉浮大數者生沉細虛小者死水病腹大如鼓脉虛者死實者生

脉經叙諸水形症

原出金匱要畧

病有風水有皮水有正水有石水有黃汗

寸口脉沉滑者中有水氣面目腫大有熱或身體反重而酸或惡風一身悉腫脉浮不渴續自汗出而無大熱者皆為風水風水其脉自浮外

症骨節疼痛惡風

皮水其脉亦浮外証胸腫按之沒指不惡風其腹如鼓不渴當發其汗皮水之為病四肢腫水氣在皮膚中四肢聶動者防已茯苓湯主之

○正水其脉沉遲外証自喘

石水其脉自沉外証腹滿不喘

黃汗其脉沉遲身發熱胸滿四肢頭面腫久不愈必致癰膿

心水者其身重而少氣不得卧煩而躁其腫人陰



肝水者其腹大不能自轉側脇下腹痛時、津液微生小便續通

肺水者其身腫小便難時、鴨澹

脾水者其腹大四肢苦重津液不生但苦少氣小便難

腎水者其腹大臍腫腰痛不得溺陰下濕如牛鼻上汗其足逆冷面瘦

裏水者一身面目黃腫其脈沉小便不利故令病水也

仲景曰諸水身半以下腫者當利小便身半已上當發汗經云身半以上天氣主之身半以下地氣主之天氣主之者其在皮也故汗而發之問肌肉之外皮膚之裏首至足一身皆腫者當作何治荅曰亦宜汗之也與身半以上同法身半以上汗之者尺寸之天地也故汗之肌肉之外皮膚之裏一身盡腫者從天而汗之此表裡之浮沉凡治之法當如是也肺心肝腎中州已上俱宜汗中州以下皆宜汗如小便利而渴不

五卷  
三  
宜汗不宜下以其重亡津液故也

王海藏曰觀高低內外輕重表裡隨經補瀉要當  
謹察肺胃腎三經病即瘥也

夫水氣者胃土不能制腎水逆而上行傳入于肝  
故令人腫治者惟知泄水而不知益胃故多下  
之強令水出不依天度流轉故胃愈虛食不滋  
味則發而不能治也莫若行其所無事則為上  
計不可不知 凡補胃不可使之壅滯如本草  
叙赤小豆治水腫通氣補脾胃之類是也

羅太無治許魯齋藥案云魯齋年五十八面目肢  
體浮腫大便溏多腹脹腸鳴時痛飲食減少脉  
得弦細而緩年少時多服牽牛大黃藥面目四  
肢時有浮腫今因陰雨故大發予曰營運之氣  
出自中焦者胃也胃氣弱不能布散水穀之氣  
營養臟府經絡皮毛故氣行而瀦為浮腫大便  
溏多而腹脹腸鳴皆濕氣勝也四時五臟皆以  
胃氣為本五臟有胃氣則和平而安若胃氣虛  
弱不能運動滋養五臟則五臟脉不和平本臟

之氣盛者其脉獨見輕則病過甚則病死故經  
曰真臟之脉弦無胃氣則死今幸未至於甚尚  
可調補人知服牽牛大黃為一時之快不知其  
為終身之害也遂以平胃散加白朮茯苓草薏  
蔻仁數服而腹脹溏泄腸鳴時痛皆愈飲食進  
止有四肢浮腫以導滯通經湯主之良愈

導滯通經湯

治脾濕而氣不宣通面目手腫浮

陳皮

白朮

桑白皮

木香

五茯苓

一兩

右每服六錢水煎食前服

霖雨時加  
澤瀉一兩

丹溪治水腫多以二陳加白朮人參蒼朮為主佐

以黃芩麥冬炒梔子制肝木若腹脹少佐以厚

朴氣不運加木香木通

氣若陷下加升麻

柴胡提之隨病加減必須補中行濕二陳治濕

加升提之藥能使大便潤而小便長

產後必

須以大補血氣為主少佐蒼朮茯苓使水自降

用大劑白朮補脾若壅滯用半夏陳皮香附監

之有熱當清肺金麥門冬黃芩之屬

一方

用山梔去皮取仁炒槌碎米湯送下一抄若胃

熱病在上者帶皮用 治熱水腫山梔子五錢

木香一錢半白朮二錢半取急流水煎服 水

脹用大戟香薷濃煎汁成膏丸去暑利小水

大戟為末棗肉丸十九泄小水劫實者

綱目述丹溪治水腫得効之法十五條其法大率

以甘艸佐白朮參陳芎劑補中氣為君木通滑

石郁李仁海金沙行水為臣厚朴大腹皮蘓梗

通滯氣為佐使如氣不升浮惡寒脉沉者探吐

以提之頭面光腫加麻黃微汗之挾積氣者佐

以保和温中抑青等丸磨之挾熱者佐以黃芩

之類清之挾瘡癰者佐以連翹犀角散之而隨

証加減也

仲景曰寸口脉沉而遲沉則為水遲則為寒寒水

相搏趺陽脉伏水穀不化膽氣衰則驚澹胃氣

衰則身腫少陰脉細男子則小便不利婦人則

經水不通經為血血不利則為水名曰血分

仲景治水大法

風水脉浮身重汗出惡風者防已黃芪湯主之

防已 一兩 黃芪 錢一兩二分 白朮 五分 甘草 錢五

右每服五錢 生姜四片 棗一枚 水煎溫服 良

久再服 腹痛加白芍藥

因濕為腫者 前湯調下五苓散 又前湯治風濕

脉浮為在表 其人或頭汗出 外無表証 惟腰以

下常重而腫 難以屈伸 腰以上俱和者 並効

風水惡風 一身悉腫 脉浮不渴 自汗出而無實熱

者 越婢湯主之 治裏水加白朮四兩

麻黃 六兩去節 石膏 半斤 生姜 三兩 大棗 枚十二 甘草

二兩 右五味以水六升 先煮麻黃 沫去上沫 入諸

藥 煮取三升 分溫三服 惡風者加大附子

一枚 炮 古今錄驗 治風水加木四兩

皮水為病 四肢腫 水氣在皮膚中 四肢聶動者

防已加茯苓湯主之

防已 黃芪 桂枝 各三兩 茯苓 六兩 甘草 兩二

右五味水六升 煮取三升 分溫三服

裏水為病 越婢加朮湯主之 又甘草麻黃湯亦主

之 甘草 兩二 麻黃 四兩去節 水五升 先煮麻黃

去渣沫內甘草煮取三升溫服一升被覆出汗汗不出再服慎風寒

水之為病其脉沉小屬少陰浮者為風無水虛脹者為氣水發其汗即已脉沉者宜附子麻黃湯浮者宜杏子湯

### 附子麻黃湯

附子一臍一枚炮去皮麻黃去節甘草炙各

水七升先煮麻黃再沸去上沫內諸藥煮取二升半溫服八合日三服

陰陽結邪多陰少陽名曰石水小腹腫石水者謂

冬月水冰如石之時故曰石水也火墓于盛冬

陽氣微故石水而死也腎肝並沉為石水並浮為風水

黃汗之為病身體腫發熱汗出而渴狀如風水汗沾衣色其黃如藥汁脉自沉問曰從何得之以汗出入水中浴汗從孔中入得之黃汗者黃芪芍藥桂枝苦酒湯主之

黃芪五兩芍藥三兩桂枝去浮皮苦酒一升

水七升煮三升溫服一升當心煩也至六七

日乃解若心煩不止者以苦酒阻故也

黃汗之為病兩頸自冷假令發熱此屬歷節食已汗出又身常暮卧盜汗出者此榮氣也若汗出已反發熱者久、其身必甲錯發熱不止者必生惡瘡若身重汗出已輒輕者久、必身瞶、即胸中痛有文從腰已上必汗出下無汗腰下弛痛如有物在皮中狀劇者不能食身疼重煩躁小便不利此為黃汗桂枝加黃芪湯主之

桂枝皮去浮

生姜

芍藥略三

甘草略二

黃芪

右入棗十二枚擘以水八升煮取三升溫服一升須臾飲熱稀粥一升以助藥力被覆取汗不汗更服之

師曰寸口脉遲而澁遲則為寒澁則為虛不足

陽脉微而遲微則為氣遲則為寒寒氣不足則手

足厥冷則營衛不利營衛不利則腹滿胸鳴相

逐氣轉膀胱營衛俱勞陽氣不通則身冷陰氣

不通則骨痛陽前通則惡寒陰前通則痺不仁

陰陽相得其氣乃行大氣一轉其氣乃散實則

失氣虛則遺溺名曰氣分氣分心下堅大如盤  
如旋杯水飲所作桂枝去芍藥加麻黃附子細  
辛湯主之

桂枝皮去浮生薑 麻黃去節細辛各二甘草各兩

大棗二枚附子二枚炮去

右水七升先煮麻黃去沫內諸藥煮取二升

分溫三服當汗出如虫行皮中愈

心下堅大如盤如旋杯水飲所作枳朮湯主之

枳實 白朮各三右二味水五升煮取三升分

溫三服腹中粟即當散也

面目浮腫喘嗽痰涎葶藶大棗瀉肺湯主之

甜葶藶 苦葶藶 等分 大棗

腰已下有水氣牡蠣澤瀉散

兩脇下有水氣腹中雷鳴生薑瀉心湯

十棗湯

大戟 芫花 甘遂各等

三花神祐丸

十棗湯加 牽牛 大黃 輕粉 水丸服



除濕丹

神祐丸加

乳香

沒藥

玄青丹

神祐丸加

黃連

黃柏

青黛

已上四方不可輕用必看其有實候乃用之

明理趁痛丸

治水氣浮腫又治脚氣上攻風毒

走注疼痛神効

白芥子生為

肥甘遂生為

生大黃各末

右用白麵一兩半滴水丸作餅子焙令黃不

可過焦為末醋糊丸梧桐子大冷酒下二十

丸不拘時量虛實加減

紫苑散

木香

人參

白朮

紫苑

川芎各二

右粗末生姜烏梅煎服次日又服

調胃白朮澤瀉散

治痰病化為水氣傳為水鼓不能食

白朮

澤瀉

芍藥

陳皮

茯苓

生姜

木香

檳榔各等

一法加白朮本藥各半治

臍腹上腫如神心下痞者加枳下盛者加檳

胡洽方 治支飲澀飲于十棗湯中加大黃甘草

五兩同煎服之故以相反之劑欲其上下俱去

也 郁李仁破澀氣能下四肢水 大抵去水

藥多泄熱當求脉之虛實下之

消腫散 治水氣喘呼不得卧煩熱燥渴大小便

不利 大黃 蒸山施 甘草 乾葛 陳皮

麻黃 川芎 馬牙 礬石 為末蜜湯調下錢二

又方 千金子二百五 粒姜三片滾水煎空心

服以利為度

集成尊重丸 治蠱証水腫氣腫喘急小水赤澀

大便秘結一切中滿並腹鼓脹

人參 沉香 丁香 木香 檳榔 車前子

葶藶子 錢四 胡椒 蝎梢 滑石 海金沙

赤茯苓 白豆蔻 錢半 蘿蔔子 錢六 郁李仁 二錢

右為末姜汁糊丸梧桐子大每服三九姜湯

下一日服三次

簡易方 治蠱脹身乾面赤瘦多渴煩悶

馬鞭草細剉晒乾勿見火以酒煮味出去渣溫服立効不善酒者水煎亦可六月半時採

元戎神方

烏鷄子一枚去頂取清黃汁調膩粉一大錢令勻內殼中以蒸餅劑裹之蒸熟去殼取熟黃二葶藶等分炒為末與上并黃蒸餅等為丸葶藶大每服三五十凡車前子湯下小便澀不通瞿麥湯下

又攻擊泄下之劑

去菴陳莖之法也

許學士十腫水病并根源証狀方法

一青水先從左右肋腫起根在肝

大戟

二赤水先從舌根起根在心

葶藶子

三黃水從腰腹起根在脾

甘遂炒

四白水從脚腫起根在肺

桑白皮

五黑水從外腎腫起根在腎

連翹

六玄水從面腫起根在外腎

芫荽醋炒

七風水從四肢腫起根在骨

澤瀉

八石水從腎腫起根在膀胱

藁本

九高水從小腹腫起根小腸  
十氣水或盛或衰起根在腹

巴豆去皮  
赤小豆

右十般腫病各有根源種不同者十腫病  
根除一味倍多餘九味等分逐味依法脩治  
焙為細末煉蜜丸如梧子大用赤茯苓湯吞  
下三丸不拘時候每日三服忌鹽一百二十  
日緣鹽能化水也又忌魚鰕麵食一切毒物  
及生冷房室甚効用此方獲瘥後更服後來  
補藥

補藥方 肉桂皮去粗 乾姜 肉豆蔻 赤茯苓去

莪木醋 川芎 桔梗各等依法製服一方無

茯苓莪木有青皮白木檳榔 俱等分為末

每服三錢百沸湯點服空心食前日午晚各

一服前項二方治水腫病甚効予試用之百

發百中獲濟無數

治腫滿小便不利茯苓散

郁李仁四錢 檳榔二錢 白木一錢 赤茯苓一錢 甘遂炒切  
陳皮半錢 右為末每服一錢姜棗湯調下

已上三方許學士試効者治水腫無逾此矣  
雄黃神金散

雄黃 葶藶去米一兩熟澤瀉 椒目減半大戟

巴戟 茯苓 芫花醋浸一兩甘遂 桑皮略一

右為末空心用井花水調服每一錢加至五

錢以利為度忌鹽醋生冷油膩之物

從腳腫加葶藶 肚腫加椒目 從陰腫加

澤瀉 面腫加茯苓 從心腫根在肋加雄

黃 從肢腫根在皮加甘遂 從口腫根在

小腸加巴戟 從腰腫根在腎加大戟 從

膝腫根在肝加芫花

三白散 治膀胱蘊熱風濕相乘陰囊腫大二便不利

白丑二兩桑白皮 白朮 陳皮 木通各等

為末每服二錢空心姜湯調下小兒減半

秘方 治鼓脹如神氣鼓則放屁水鼓則下水愈而

大戟 白商陸 甘遂錢三陳皮錢二大腹皮

檳榔 白朮 海帶 海藻略二為末每

用三錢和白麵三兩水拌做一塊分作三小

塊每塊捍碗口大薄餅一箇共作三箇無油  
鍋內烙熟空心服一餅酒送下茶過口坐卧  
忌風生冷油膩鹽一箇月不能斷葷者不可  
治也此藥試過每用一餅僅行水四五度並  
不瘦人  
一方 用乾鷄屎一升炒黃好酒三碗淬下煮作  
一碗絹濾去渣飲之少頃腹中氣大轉腸鳴從  
大便利下脚膝及蹄上下先皺起漸消至腹  
如一次消不盡再服一劑以田螺二枚滾酒內  
漂熟食之即止後以溫粥調養而安

此方治一切水氣濕發腫効

三因消腫丸 治水腫喘滿小便不利

滑石 木通 白朮 黑丑炒 茯苓 半夏

陳皮鎔 木香 藷麥 丁香各五

為末酒糊丸梧子大每五十九丸灯心麥門湯下

葶藶丸 治涌水証如溢囊裏裡漿或遍身腫滿

按腹不堅疾行則濯有聲或喘欬不定

葶藶炒 澤瀉 椒目 桑白皮 木猪苓

杏仁鎔 五為末煉蜜丸梧子大每二三十丸葱

五卷  
白湯下不拘時服以利為度

局方神助散 治十種水氣面目四肢浮腫以手

按之隨手而起效嗽喘急不得安卧小便赤澁

大便不利

黑丑末 澤瀉略一 椒目半一兩猪苓二兩葶藶

左右為末葱白三莖水煎入酒調服三錢

薏苡根散 治水腫

薏苡根君 木香 檳榔 黑丑

右為末酒調服妙

聖惠氣寶丸又名順氣丸治腰脇俱病如抱一甕肌膚

堅硬按之如鼓脚腫不能屈伸自頭至臚中瘦

脊露骨曾膈痞悶四肢無力

木香 茴香炒 羌活 木瓜 川芎 當歸

陳皮炒 檳榔 地骨皮略一 大黃半一兩 黑丑兩二

皂角四兩 右為末熬皂角膏為丸梧子大每六

十丸温酒下一方無木瓜生姜灯心湯下

治一切氣血凝滯風毒熾盛脚氣走注作腫

或大便閉脚氣入腹滿悶寒熱往來狀如傷

寒並宜服之

簡易方 治水蠱不問年月深者

大戟 當歸 陳皮 各一兩

水二升煮七分頓服利二三斗即愈

元戎方 治十種水氣垂死

鯉魚一頭重一斤者和茹心白冬瓜羹食之

又治鼓氣方

滑石 輕粉 各一錢 槐花 半一錢

右不犯鐵氣為細末生地黄自然汁生姜自

然汁停滴在藥中為丸梧桐子大一日服三  
丸次日服四丸五日以來早晨只一服用生  
地黄汁溫送下小便中水盡為度得睡後日  
服嘉禾散十日永不再發

治陰水腫之劑

五皮散 治風濕客于脾經氣血凝滯以致面目

俱浮四肢腫滿心腹膨脹上氣喘促

五加皮 地骨皮 生姜皮 大腹皮

茯苓皮 水煎熱服 一方加牽牛



澹寮方無地骨皮五加皮 加陳皮素白皮  
白朮木香散 治腫滿喘嗽欲變成水病者不能  
食不能卧小便秘

白朮 猪苓 甘草 澤瀉 赤茯苓 各五錢

木香 檳榔 各三錢 橘紅 二兩 官桂 二錢 滑石 三兩

右每服一兩半 生姜三片 水煎溫服 木通方加

拔萃聖靈丹 治脾肺有濕喘滿風盛小便赤澀

苦葶藶 兩炒 四防已 二錢 赤茯苓 麩炒 木香

檳榔 木通 人參 各五分 一錢

為不... 梧子大每服五十九

續隨子丸 治通身虛腫喘悶不快

人參 防已 赤茯苓 麩炒 續隨子 木香

檳榔 海金沙 另炒 各苦葶藶 四兩

右為末 棗肉丸 梧子大每五十九 桑皮湯下

退腫搨氣散 治積水驚水或飲水過多停積于

脾故四肢而身熱用藥惟內消其腫自退

赤豆 陳皮 蘿蔔子 甘艸 各五錢 木香 二錢

每服一兩 生姜三片 棗一枚 水煎食前服

復元丹 治水腫皮膚盈溢心腹堅脹喘急不得  
正偃正偃則咳嗽腿腹冷口苦舌乾小便不利  
夢中虛驚不得安卧

附子炮木香煨茴香炒川椒炒去汗獨活 厚朴

白木炒吳茱萸炒桂心酪澤瀉半肉果煨

檳榔各五錢為末糊丸梧子大每服五十九粒

蘓湯下一日三服先便旋利如傾次乃腫潰

止此藥能助真火以養真土運樞机禁慾

豆 半年乃不再作

當歸散 治同前

川歸 赤芍藥 牡丹皮 白朮 赤茯苓

陳皮 枳榔 木香 桂心 木通各等分

脚膝頭面腫大小便不快每服二錢水一鍾

紫蘓葉二片木瓜一片同煎八分溫服日三

服稍覺愈只早晚服二次但覺氣下小便長

是効 臟虛去枳榔 臍凸加大腹皮猪苓

各一两 忌鷄魚肉酸醎之物及海味

大半夏湯 治土不能制水水漬于腸胃溢于皮

膚澼、有聲怔忡喘息名曰水脹

橘紅 半夏 茯苓 甘草 桔梗 檳榔

等分每服五錢姜三片水煎服

赤茯苓丸 治同上

木香 五錢 苦葶歷炒四兩 防已 二兩 赤茯苓 二兩

為末棗肉丸梧子大每服三十九丸桑皮湯下

人參葶歷丸 治一切水腫及喘滿不可當者

人參 一兩 苦葶歷炒四兩

為末棗肉丸梧子大每三十九丸桑白皮湯下

神秘湯 治水氣上乘于肺肺得水而浮水腫不

卧卧則喘

白茯苓 木香鎔五錢 桑白皮 紫蘓葉 陳皮

人參鎔七錢 姜七片水三鍾煎鍾半食後分五服

無礙丸 治脾病橫流四肢腫滿

木香酢蓬木炮 三稜炮 枳榔 郁李仁炮去皮各一兩

大腹皮 二兩 為末麥芽麵糊為丸梧子大每服

三十九丸生姜湯吞下

香蘓散 治水氣虛腫小便赤澁

陳皮去白防已 木通 紫蘇葉各五錢

右為末每服二錢姜三片水煎食前服

小葶藶丸 治腫滿腹大四肢枯瘦小便澁濁

甜葶藶炒 薺菜根研粉 煉蜜丸彈子大每服一

丸陳皮湯嚼下只三丸小便清數病愈

牡蠣澤瀉散 治脾胃氣虛不能約制腎水水溢

下焦腰以下腫

牡蠣炒 澤瀉 蜀漆洗去腥 葶藶炒 瓜蒌根

白商陸根 海藻洗 等分為末白湯調服方寸

七小便利止後服

踈鑿飲子 治水氣遍身浮腫喘呼氣急煩渴大

小便不利服熱藥不得者

澤瀉 赤小豆 白商陸 大腹皮 茯苓皮

羌活 椒目 木通 秦艽 檳榔等分

薑五片水煎服

大橘皮湯 治濕熱內攻腹脹水腫小便不利大

便滑泄

陳皮半 木香半 錢滑石六 檳榔三 茯苓一

猪苓 白朮 澤瀉 肉桂各五 甘草三錢  
生姜五片水煎服

實脾散

厚朴 白朮 木瓜 附子炮 木香 茯苓

大腹子 草果仁 乾姜炮 各 甘草各 錢 五

姜五片棗一枚水煎服

加味枳朮湯 治氣為痰飲所膈心下堅脹名曰

氣分○枳殼 白朮 陳皮 檳榔 桔梗

木香 桂 紫蘇梗葉 五靈脂炒 各 半 夏

茯苓 甘草各 半 姜三片水煎服

調榮散 治瘀血化為水四肢浮腫皮肉赤紋名

曰血分 細辛 莪朮 桂 赤芍 川歸

川芎 玄胡索 白芷 大腹皮 桑白皮

檳榔 蘆薈炒 陳皮 赤茯苓 葶藶炒

大黃煨 各 甘草各 半 每服五錢姜棗煎食前服

大豈湯 治風水通身腫百節痛惡風自汗眼合

不得短氣欲絕其脉浮

大豈 杏仁去 煨麻黃 防風 防已 猪苓

酪四澤瀉 黃芪 烏頭 酪半夏 茯苓

白木 酪五 甘遂 炒 甘艸 一 酪每服五錢 姜七片

水二鍾 酒半鍾 煎一鍾 服以大小便利為度

如不利 加生大戟 兩 葶歷 炒 香 兩 無不利矣

內甘遂 甘草 本相反 故用之以成功 屢試屢

効 非泛常所可測也

澤漆湯 治石水 四肢瘦 腹腫 不喘 其脉沉

澤漆 五 洗去腥 桑白皮 六 兩 射干 浸 泔水 黃芩 一

茯苓 白木 酪四 澤瀉 防已 酪二

每服五錢 水三鍾 先用黑豆一合 煎至二鍾

入藥同煎 七分 空心食前服 一日三次

附子葶藶湯 治寒客皮膚 發然而堅 腹大身

腫 按之陷而不起 色不變 病名膚脹 一劑 未作

大附子 大者 一 生去皮 臠 葶藶 豆 二 兩 生薑 切 一 兩

水二鍾 煎一鍾 分三服 空心午晚各一服

葶歷防已丸 治面目浮腫 肺氣喘咳 不安 剝

防已 一 兩 木通 葶歷 杏仁 去皮 尖 貝母 各

兩 右為末 棗肉丸 梧子大 每服五十丸 食遠服

藥白皮煎湯送下

酒腫丸 治酒腫及脾虛發腫

蘿蔔十枚 皂角五枚 二味用水煮乾去皂角將

蘿蔔搗爛蒸餅糊為丸 芡實大蘿蔔煎湯如

意送下

犀角湯 治結陽症四肢腫滿熱菀不散或毒攻注

犀角 玄參 連翹 柴胡各五升麻 木通

鎔一沉香 射干 甘草炙各七分芒硝三錢

麥門冬三錢分二服水煎

消腫湯 治水腫喘滿大小便不利

白木 山梔錢各五 赤茯苓 蘿蔔子錢各三 葶藶

椒目 蘓子鎔一 沉香分三 木香五分 水煎服

又方 繼前服 已上二方神効

葶藶二錢 椒目一錢 猪苓半一 錢 澤瀉八分

葱白三根 水煎吞牽牛末為丸 則大小便俱通

二奇方

白木 五錢 滑石三錢 水煎服七服全愈

白茯苓湯 治水腫 開鬼門潔淨府机要方

白茯苓

澤瀉

酪二 郁李仁五錢

水煎臨服

入生姜自然汁服

或作粥飯或和麵作糲

食之五七日後俟脹下乃與白朮散

又方

大田螺大蒜生車前草和研為膏作大餅

敷于臍上少頃水從小便出數日愈

病機白朮散

眼前白茯苓湯利後以此補之

白朮

澤瀉

鎔五為末以茯苓三錢煎湯調下

或丸服亦可每三十九丸從少至多後以黃芪

建中湯之類調補



